

密勒日巴尊者的證道歌

《決了曲》

心宏法師恭誦 歌詞請見張澄基譯，密勒日巴大師全集（歌集），第 333 頁：

○於此佛世閻浮堤，盛名如第二世尊，樹大法幢興佛法，貴勝頂髻之寶珠，眾人歸敬齊讚嘆，美譽名聞遍十方，梅紀大師前敬禮。梅紀大師蓮座前，恭敬依止飲甘露，澈悟勝見大手印，通達離邊本來義，一切功德皆圓滿，不為世間過染污，如來化現之色身，馬爾巴大師前讚禮。

○外境所現一切法，不明其性陷迷惑，執境為實自作縛。悟後諸法成幻化，助益此心為友伴，究竟義中不可得，此即無生之法身，說為窮竟法性處。

○*內在變動之意識，未悟之時為無明，業與煩惱之根本，悟後即是自覺智，善業功德盡圓滿，究竟義中智慧無，說為窮盡諸法處。

○蘊聚所成此色身，未悟之時為肉體，地水火風所集成，病痛苦惱之根源，悟後即是雙運佛，能摧凡世眾執著；究竟身亦不可得，喻曰無雲之晴空。

○男女妖魔及羅刹，未悟之時為魔怨，能作各種中斷障，悟已妖魔成護法，能予各種之成就，究竟義中魔亦空，說為窮竟分別處。究竟金剛真言乘，

○無上瑜伽續部云：諸界集聚於脈故，顯現外境諸魔相，若不了知彼為幻，全由自身之所顯，執以為實甚愚痴！我昔(未曾入道時)，無明障我極迷惑，誤以天、魔之增損，執為實有(障解脫)。成就上師開導故。通達輪、涅、畢竟空，所顯皆是 hands 印！

○無明無根亦無實，自明水月極澄清，光耀似日離雲翳，無明闇邊得蘇醒，解脫愚痴諸誘惑，真如於內得開顯。

執魔為實乃妄念，有此妄念甚稀奇！妄念消融法性境，本來無生甚奇哉！

*此段為妙融法師於 2006 年 2 月竹清嘉措仁波切法會時，依藏文所增補。